

Zwaa Verputzer

Zwiegespräch gehalten 1964 von Heinz Rauschkolb und Willi Nothnagel

- A. Also dess ess heit wirre e Offregung off dere Baustell — un do — debei esses meu Schuld wirklich net, daß die Arweit net all werd, dann mein Wahlspruch lautet: Wer bei de Arweit mied werd, der ess selwer dro schuld. Ach do kimmt jo aach mein Freund Hermann, no wo kimmst du dann her?
- H. Stell der blos emol ver Alfred, ich sollt doch heit an eme Neubau afange zu veputze
- A. No un — —
- H. Ah der steht jo noch garnet do — —
- A. No warim net?
- H. Ah wie ich heit morjend hekumm, do hot sich grad de Maurerpolier mit dem Bauherr erim gestrerre
- A. Iwwer was dann?
- H. Ah dess Bauplätzche, hot de Polier gesagt, dess langt jo net emol als Parkplatz fer de Maurer ehr Auto hezustelle, wo solle meer dann do hebaue? Wo kimmst du dann her?
- A. Vun de Baustell
- H. Schafft ehr heit net?
- A. Ich hat Krach mit meum Maaster
- H. No warim?
- A. Der wollt absolut ho, daß ich heit veputze sollt, wo ich doch grad gestern alles veputzt hon
- H. Un seid ehr eich net aanig worn?
- A. Nao, ich hat jo gesagt, ich wollt am Samstag alles noochhole
- H. Warim dann grad am Samstag?
- A. Ah du Dummbeitel, weil do doch glei wirre Sunntag ess. De Alte segt awwer, dess ging Samstags net.
- H. Un warim net?
- A. Ah weil er Samstags mit seine ganze Leit schwarz schaffe deht
- H. No un jetzt?
- A. Ah wie meer uns lang genug erim dischputiert hatte, hot de Alte gemaant, ich soll ehm dess net ver lwel nemme un wann ich net veputze wollt, do deht er halt die Arweit selwer mache un wann mers nix ausmache deht, soll ich doch wenigstens am Montag wirre kumme.
- H. Zu meer kimmt neilich in Herr, sage se emol, segt er, sie sein doch vum Baufach, ich will meer neemlich e Heis'che baue, awer so kao gewenliches, wisse se, so was hippromodernes, so im Picassostil
- A. Was host du dann dem gesagt?
- H. No ja sag ich, baue se ruhig im Picassostil, wann do die Haustür im erste Stock ess, kenne se jo e Laater ostelle un wann der die Dochkannel dorch die Schlofstub legt, do sparn se glei de Klo
- A. Ja hot er dann iwerhaupt Handwerker zum baue?
- H. Er hot mich ah gefregt wie dess mit de Handwerker weer. Ich hon zu ehm gesagt, sie mache am beschte erscht emol dess Richtfest, do solle se emol sehe, wie die all kumme.
- A. Meer hot ah so in schwergeprüfte Bauherr seu Leid geklagt. Wie der neemlich die Handwerker bestellt hat, kam zuerscht gar kaaner un dann kam als zwaater de Dachdecker, der hot dann im Stunnelohn gewart, bis de Rohbau zum Decke fertig war. Wie eer dann-net de Bau — fix un fertig war, do sollt's endlich mit dem Verputze los geh, die konnte awer wirre nix mache, weil die Elektriker net ebei kumme sein, dann hat ehm de Tapezierer versproche zu kumme, do hette awer erscht die Fenster un Türn eninn gemißt — — —
- H. Alfred! wann der in Tischler breicht, ich het aan fer ehn
- A. In Tischler? In richtige Bau-Tischler?
- H. Was haaßt Bau-Tischler! In Stamm-Tischler?
- A. Het ehr eigentlich ach Arweiter vun de befreundete Natione?
- H. Her blos off, ah meer muß jo heit 10 Sproche babbele, wann mer sich mit seine Mitarweiter unnerhalle will
- A. Wie seid ehr dann mit dene zufrirre?
- H. No ja mer muß sich an dene ehr siedländisch Tempo gewehne, bis die als in richtige Ofang hon, mache mer grad Feierowend
- A. No un nooch Feierowend?
- H. Ja nooch Feierowe hon ich die noch net studiert, do mißt ich emol meim Nochber seu 18 jehrig Tochter fraoge.
- A. Ich hat jo letzt e anner Beschäftigung ogebote krigt
- H. Un wie warn dann die Voraussetzunge?
- A. Ach ganz gut. De Boss hat zu meer gesagt, also

- sie krije monatlich 200 Marck, am 1. un am 15. je die Hälfte, 14 Dag for Weihnachte gibr's Weihnachtsgeld, alle 3 Woche in freie Dag un 6 Woche Urlaub. Kenne sie des behalte?
- H. Was host du dann do gesagt?
- A. Ich sag, also ich krig monatlich 500 Marck, jeden 1. un 15. noch emol die Hälft, alle 14 Dag Weihnachtsgeld, jeden 3. Dag e Woch frei un noch 6 Woche gibr's Urlaub. Do hot der mich erscht emol dumm ogeguckt
- H. Dess kann ich meer denke, host Du die Stell dann krigt?
- A. Ah nao
- H. No warim net?
- A. Ah do hot sich eraus gestellt, daß dess jo e Stell fer in ungelernte Arweiter war un net fer in qualifizierte Verputzer. Meer ess jo neilich e dumm Ding passiert
- H. No wieso?
- A. Ah meu Fraa hot mich off de Baustell abgeholt un wie se sich meine Arbeitskollege vorstelle will, segt de Lui, dess brauche se nett, meer kenne sie doch. Wieso segt meu Fraa, sie hawe mich doch noch nie gesehe. Dess ess ah net nötig, segt er, awer meer lache uns off de Baustell immer bald kaputt, wann de Alfred ehrn Gang noochmacht.
- H. No so was Dummes, wie bescht du dann iwerhaupt zu deiner Fraa kumme?
- A. Ah ich hat mit ehr so e bissche Gebennels un aanes Dags hot ehr Mutter gesagt, also so geht dess net weirer, entweder du suchst der jetzt Arweit, orrer werd geheiert
- H. No unn
- A. Was haaßt no unn, do hob ich halt geheiert. Am Hochzeitsdag segt meu Marie, Mann was host du dann, du bist heit so ruhig, drickt dich was? Jetzt seun mer doch verheiert, do kannst du meer alles overtraue
- H. Un host du dess aach gemacht?
- A. Ja sag ich Fraa, dann will ich mich erleichtern — ich hob neemlich e unehelich Kind
- H. Was hott sie dann do gesagt?
- A. Ach segt se, desweje brauchst du doch kao Theater zu mache, ich hon jo drei un mach kao Offhewens devo
- H. Ich hon am 25. April geheiert, un wie mer es erschte mol die Fenster offgemacht hon, hatte mer de 6. Juni
- A. Mach kao Dinger
- H. Doch dess stimmt, ja un do segt meu Fraa, ich heirat net meh im April, weje dene dumme Flitterwoche verdirbt mer sich jo de ganze scheene Monat Mai.
- A. Do hat se jo ach net unrecht
- H. Ich hob iwerhaupt e Perle vun ere Fraa
- A. No wieso?
- H. Ah meer hatte uns im Summer ah so e Berliner Ferienkind bestellt un wie dess Ferienkind okimmt, war dess e wunnerschee Böbche vun 22 Jahr
- A. No awer sowas
- H. Ich sag zu meiner Fraa, was mache meer dann jetzt, meer howe doch blos ao Bett, ach, segt se, meer misse uns halt behelfe, dann schlof ich die 14 Dag in de Kich offem Sofa
- A. Du host wirklich e gut Fraa
- H. Alfred hat ich deer dess eigentlich schon verzehlt?
- A. Ah was dann Hermann
- H. Ah vergange hon meer außerim e Wohnhaus verputzt
- A. No un
- H. Wie meer do offem Gerüst stehn, do seh ich off amol dordhs Fenster e schee jung Mädche in ehr Schlofzimmer geh
- A. No unn weirer
- H. Na emol langsam. Die geht also ins Schlofzimmer
- A. Dess host du jo schon emol gesagt
- H. Ja un fengt oh sich auszuziehe. Ich guck mer die Sach oh un wie meu Kolege sehe, daß ich do guck, do sein die aach nooch un nooch ebei kumme
- A. Ja un was hobt ehr dann gesehe
- H. Also sie zieht erscht ehr Klaad aus
- A. Na un dann
- H. Dann zieht se ehr Schuh aus
- A. No unn dann
- H. Dann zieht se ehrn Unnerock aus
- A. No unn dann
- H. Dann zieht se ehrn Schlüpfer aus
- A. No unn dann
- H. Dann macht se ehrn Büstenhalter off
- A. No unn dann
- H. Unn dann, ja nun dann, do ess de Diel gekracht un sämtliche Weißbinner honn unne im Speiß-dreck geleje.
- A. Hermann, host du net gesagt, du hest in de Wertschaft noch zwaa Rippcher un zwaa Fläschjer Bier steh
- H. Doch Alfred, kum dess misse meer jo noch verputze.